

四庫全書

史部

欽定四庫全書

史部

湖廣通志卷八十五至七

詳校官監察御史臣陳化龍

檢討臣德生覆勘

總校官知縣臣繆琪

校對官學正臣常循

謄錄監生臣龍翔

欽定四庫全書

湖廣通志卷八十五

藝文志

七言古詩

唐

相南漁父

孟浩然

問君何所適  
漠漠逢煙水  
獨與不繫舟  
往來楚雲裏  
釣魚非一歲  
終日只如此  
日落江清桂  
楫遲織鱗  
百尺深

可窺沉鈎垂餌不在得白首滄浪空自知

夜歸鹿門歌

孟浩然

山寺鳴鐘晝已昏  
漁梁渡頭爭渡喧  
人隨沙岸向江村  
余亦乘舟歸鹿門  
鹿門月照開煙樹  
忽到龐公栖隱處  
巖扉松逕長寂寥  
唯有幽人自來去

襄陽歌

李白

落日欲沒峴山西  
倒著接離花下迷  
襄陽小兒齊拍手  
攔街爭唱白銅鞮  
傍人借問笑何事  
笑殺山翁醉似泥

鸕鷀杓鸚鵡杯百年三萬六千日一日須傾三百杯  
遙看漢水鴨頭綠恰似葡萄新醖醅此江若變作春酒  
累麴便築糟丘臺千金駿馬換少妾笑坐雕鞍歌落梅  
車傍側卧一壺酒鳳笙龍管行相催咸陽市上嘆黃犬  
何如月下傾金壘君不見晉朝羊公一片古碑材龜頭  
剝落生莓苔淚亦不能為之墮心亦不能為之哀誰能  
憂此身後事金鳧銀鴨葬死灰清風明月不用一錢買  
玉山自倒非人推舒州杓力士鎗李白與爾同死生襄  
王雲

雨今安在江水東流猿夜聲

墨池

李白

少年上人號懷素草書天下稱獨步墨池飛出北溟魚  
筆鋒殺盡中山兔八月九月天氣涼酒徒詞客滿高堂  
牋麻素絹排數箱宣州石研墨色光吾師醉後倚繩床  
須臾掃盡數千張飄風驟雨驚颯颯落花飛雪何茫茫  
起來向壁不停手一行數字大如斗怳怳如聞神鬼驚  
時時只見龍蛇走左盤右感如驚電狀同楚漢相攻戰

湖南七郡凡幾家家屏幃書題遍王逸少張伯英古  
來幾許浪得名張顛老死不足數我師此義不師古古  
來萬事貴天生何必要公孫大娘渾脫舞

送陳郎將歸衡

李白

衡山蒼蒼入紫冥下看南極老人星回飈吹散五峰雪  
往往飛花落洞庭氣清岳秀有如此郎將一家拖金紫  
門前食客亂浮雲世人皆比孟嘗君江上送行無白璧  
臨歧惆悵若為分

送族弟襄歸桂陽

李白

爾家何在瀟湘川青莎白石長江邊  
昨夢江花照江國幾枝正發東牕前  
覺來欲往心悠然夢隨越鳥飛南天  
秦雲連山海相接桂水橫煙不可涉  
送君此去令人愁風帆茫然隔河洲  
春潭瓊草綠可折西寄長安明月樓

桃源行

王維

漁舟逐水萬山春兩岸桃花夾去津  
坐看紅樹不知遠行盡清溪不見人  
山徑潛行始隈隩山開曠望旋平陸



遙看一處攢雲樹近八千家散花竹樵客初傳漢姓名  
居人未改秦衣服居人共住武陵源還從物外起田園  
月明松下房櫳靜日出雲中雞犬喧驚聞俗客爭來  
集競引還家問都邑平明閭巷掃花開薄暮漁樵乘水入  
初因避地去人間及至成仙遂不還峽裏誰知有人事  
世中遙望空雲山不疑靈境難聞見塵心未盡思鄉縣  
出洞無論隔山水辭家終擬長遊行自謂經過舊不迷  
安知峯壑今來變當時只記入山深清溪幾曲到雲林

春來遍是桃花水不辨仙源何處尋

桃源

王昌齡

武陵川逕入幽遐中有雞犬秦人家  
家家傍流水多桃花  
桃花兩邊種來久流水一道何時有  
垂條落雨暗春風  
夾岸芳菲至山口歲歲年年能寂寥  
林下青苔日為厚  
時有仙鳥來銜花會無世人此攜手  
可憐不知若為名  
君往從之多所更古驛荒橋平路盡  
驚湍怪石小溪行  
想見維舟登覽處紅堤綠岸宛然成  
多君此去從仙隱

令人晚節悔營營

巴陵寄李二戶部張十四禮部

賈至

江南芳草初纂纂  
愁殺江南獨愁客  
秦中楊柳也應春  
轉憶秦中相憶人  
萬里鶯花不相見  
登高一望泪沾巾

送費子歸武昌

岑參

漢陽歸客悲秋草  
旅舍葉飛愁不掃  
秋來倍憶武昌魚  
夢覺只在巴陵道  
曾隨上將過祁連  
離家十年常在邊  
劍鋒可惜虛用盡  
馬蹄無事今已穿  
知君開館恒愛客

樽蒲百金每一擲平生有錢將與人江上故園空四壁  
吾觀費子毛骨竒廣着大口仍赤髭看君失路尚如此  
人生貴賤那得知高秋八月歸南楚東門一壺聊出租  
路指鳳凰山外雲衣沾鸚鵡洲邊雨勿歎蹉跎白髮生  
應須守道不羞貧男兒何必戀妻子莫向江村老却人

贈裴施州

杜 甫

廊廟之具裴施州宿昔一逢無此流金鐘大鑪在東序  
冰壺玉衡懸清秋自從相遇減多病三歲為客寬邊愁

堯有四岳明至理漢二千石真分憂幾度寄書白鹽北  
苦寒贈我青絲裘霜雪回光避錦繡蛟龍動篋蟠銀鈞紫  
衣使者辭復命再拜故人謝佳政將老已失子孫憂後  
來况接才華盛遙憶書樓碧池映

嶽麓山道林二寺行

杜 甫

玉泉之南麓山殊道林林壑爭盤紆寺門高開洞庭野  
殿脚插入赤沙湖五月寒風冷佛骨六時天樂朝香鑪  
地靈步步雪山草僧寶人人滄海珠塔劫宮墻壯麗敵

香厨松道清涼俱蓮池交響共命鳥金榜雙迴三足鳥  
方丈涉海費時節丘圃尋河知有無暮年且喜經行近  
春日兼蒙暄暖扶飄然斑白將奚適傍此烟霞茆可誅  
桃源人家易制度橘洲田土仍膏腴潭府邑中甚淳古  
太守庭內不喧呼昔遭衰世皆晦跡今幸樂國養微軀  
依止老宿亦未晚富貴功名焉足圖久為謝客尋幽慣  
細學周顛免興孤一重一掩吾肺腑山鳥山花吾友于  
宋公放逐曾題壁物色分留待老夫

清明

杜甫

著處繁華矜是日  
長沙千人萬人出  
渡頭翠柳艷明  
著  
爭道朱蹄驕嚙  
膝此都好遊湘  
西寺諸將亦自  
軍中至  
馬援征行在眼  
前葛強親近同  
心事金鐙下山  
紅粉晚  
牙檣拔拖青樓  
遠古時衰亂皆  
知人世悲歡暫  
相遣  
弟姪雖存不得  
書干戈未息苦  
離居逢迎少壯  
非吾道  
况乃今朝更被  
除

邵陵作

張謂

當年虞帝苦憂人，祇為蒼生不為身。已道一朝辭北極，  
何須五月更南巡。昔時文武皆銷鑠，今日精靈長寂寞。  
斑竹年來筍自生，白蘋春盡花空落。遙望零陵見舊丘，  
蒼梧雲起至今愁。惟餘帝子千行淚，添作瀟湘萬里流。

湘中對酒行

張謂

夜坐不厭湖上月，晝遊不厭湖上山。眼前一尊又長滿，  
心中萬事如等閒。主人有黍數百石，濁醪數斗應不惜。  
即今相對不盡歡，別後相思復何益。茱萸灣頭歸路賒，



願君且宿黃公家風光若此人不醉參差辜負東園花

朝陽岩歌

元結

朝陽岩下湘水深朝陽洞口寒泉清零陵城郭夾湘岸  
岩洞幽竒帶郡城荒蕪自古人不見零陵徒有先賢傳  
水石為娛安可羨長歌一曲留相勸

無為洞口作

元結

無為洞口春水滿無為洞旁春雲白愛此踟躕不能去  
令人悔作衣冠客洞旁山僧皆學禪無求無欲亦忘年

欲問其心不能問我，向此中得無悶。

宿丹崖翁宅

元結

扁舟欲到瀧口湍，春水湍瀧上水難投竿。來泊丹崖下，  
得與崖翁盡一歡。丹崖之亭當山巔，破竹半山引寒泉。  
泉流掩映在木杪，有若白鳥飛林間。嗟嗟隨風作霧雨，  
濕人中履滿庭前。丹崖翁愛丹崖霞，棄官幾年崖下家。  
兒孫棹船抱酒瓮，醉裏長歌揮釣車。吾將求退與翁遊，  
學翁歌醉在漁舟。官吏隨人往，未得却望丹崖慚。復羞

湘中憶歸

劉長卿

終日空理棹經年猶別家  
頃來形已遠彌覺天無涯  
白雲意自深滄海夢難隔  
迢遞萬里帆飄飄一行客  
獨憐西江水遠寄風波  
裏平湖流楚天孤雁渡  
湘水湘流澹澹空愁子  
猿啼啾啾滿南楚扁舟泊  
處聞此聲江客相看淚如  
雨

入桂渚次砂牛石

劉長卿

扁舟傍歸路日暮瀟湘深  
湘水深見底楚雲淡無心  
片

帆落桂渚獨夜依楓林楓林月出猿聲苦桂渚天寒桂  
花吐此中無處不堪愁江客相看淚如雨

郢州西樓吟

郎士元

連山盡處水滌迴山上戍門臨水開朱闌直下一百丈  
日暖遊鱗自相向昔人愛險閉層樓今人愛閒江復清  
沙洲楓岸無來客草綠花紅山鳥鳴

懷素草書歌

戴叔倫

楚僧懷素工草書古法盡能新有餘神清骨竦意真率

醉來為我揮健筆始從破體變風姿一一花開春景遲  
忽為壯麗就枯澁龍蛇騰盤獸屹立馳毫驟墨劇奔駟  
滿座失聲看不及心手相師勢轉竒詭形怪狀翻合宜  
人人細問此中妙懷素自言初不知

洞庭秋月行

劉禹錫

洞庭秋月生湖心層波萬頃如鎔金孤輪徐轉光不定  
遊氣濛濛隔寒鏡是時白露三秋中湖平月上天地空  
岳陽城頭暮角絕蕩漾已過君山東城蒼蒼夜寂寂水月

逶迤繞城白蕩漿  
巴童歌竹枝連牆  
估客吹羌笛勢高  
夜久陰力全爽氣  
肅肅間清蹕浮雲  
夜烏啼四裔首冠  
星斗當中天天鷄  
相呼曙霞出斂影  
含光讓朝日日出  
喧喧人不聞夜來  
清景非人間

龍陽縣歌

劉禹錫

縣門白日無塵土  
百姓縣前挽魚罟  
主人引客登大隄  
小兒縱觀黃犬怒  
鷓鴣驚鳴繞籬落  
橘柚垂芬映牕戶  
沙平草綠見吏稀  
寂歷斜陽炤懸鼓

漁翁

柳宗元

漁翁夜傍西岩宿  
曉汲清湘燃楚竹  
煙銷日出不見人  
欸乃一聲山水綠  
迴看天際下中流  
岩上無心雲相逐

岫巖峰

韓愈

岫巖山尖神禹碑  
字青石赤形模竒  
科斗拳身薤葉披  
鸞飄鳳泊拏虎螭  
事嚴跡秘鬼莫窺  
道人獨上偶見之  
我來咨嗟涕漣漉  
千搜萬索何處有  
森森綠樹猿猱悲

桃源圖

韓愈

神仙有無何眇茫桃源之說誠荒唐流水盤迴山百轉  
生綃數幅垂中堂武陵太守好事者題封遠寄南宮下南  
宮先生忻得之波濤入筆驅文詞文工畫妙各臻極異  
境恍惚移於斯架巖鑿谷開宮室接屋連牆千萬日羸  
顛劉蹶了不聞地坼天分非所恤種桃處處惟開花川  
原近遠烝紅霞初來猶自念鄉邑歲久此地還成家漁  
舟之子來何所物色相猜更問語大蛇中斷喪前王羣  
馬南渡開新主聽中詞絕共悽然自說經今六百年當



時萬事皆眼見不知幾許猶流傳爭持酒食來相饋禮  
數不同樽俎異月明伴宿玉堂空骨冷菟清無夢寐夜  
半金雞啁晰鳴火輪飛出客心驚人間有累不可住依  
然離別難為情船開棹進一迴顧萬里蒼蒼煙水暮世  
俗寧知偽與真至今傳者武陵人

謁衡嶽廟遂宿嶽寺題門樓

韓愈

五嶽祭秩皆三公四方環鎮嵩當中火維地荒足妖怪  
天假神柄專其雄噴雲泄霧藏半腹雖有絕頂誰能窮

我來正逢秋雨節陰氣晦昧無清風潛心默禱若有應  
豈非正氣能感通須臾靜掃衆峰出仰見突兀撐青空  
紫蓋連延接天柱石廩騰擲堆祝融森然魄動下馬拜  
松柏一逕趨靈宮粉牆丹柱動光彩鬼物圖畫填青紅  
升階偃僂薦脯酒欲以菲薄明其衷廟令老人識神意  
睢盱偵伺能鞠躬手持盃琬導我擲云此最吉餘難同  
竄逐蠻荒幸不死衣食纔足甘長終侯王將相望久絕  
神縱欲福難為功夜投佛寺上高閣星月掩映雲腫隴

猿鳴鐘動不知曙  
杲杲寒日生於東

道州民行

白居易

道州民多侏儒長者不過三尺餘市作矮奴年進送號  
為道州任土貢任土貢寧若斯不聞使人生別離老翁  
哭孫母哭兒一自陽城來守郡不進矮奴頻詔問城云  
臣按六典書任土貢有不貢無道州水土所生者只有  
矮民無矮奴吾君感悟璽書下歲貢矮奴宜悉罷道州  
民老者幼者何欣欣父子兄弟始相保從此得作良人

身道州民民到如今受其賜欲說使君先下淚仍恐兒  
孫忘使君生男多以陽為字

黃陵

李賀

筠竹千竿老不死長伴素娥蓋湘水蠻娘吟弄滿寒空  
九山盡綠淚花紅離鸞別鳳湘梧中巫山蜀道遙相通  
幽愁清氣上青楓涼夜波間吟老龍

嶽麓道林二寺

韋蟾

石門道接蒼梧野愁色陰深二妃寡廣殿崔嵬萬壑間

長廊詰曲千巖下靜聽林飛念佛鳥細看壁畫馱經馬  
暖日斜明蟬竦梁濕煙散羃鴛鴦瓦北方部落檀香塑  
西園文書貝葉寫壞欄迸竹醉好題穿路垂藤因堪把  
沈裴筆力鬪雄壯宋杜詞源兩風雅他方居士來施齋  
彼岸上人來結夏悲我未離擾擾徒勸我休學悠悠者  
何時得與劉遺民同入東林白蓮社

奉酬唐侍御杜員外二寺詩

沈傅師

承明老年輒自論乞得湘守東南奔為聞南國富山水

青嶂透邈僧家園含香珥筆皆耆舊謙挹自忘臺省尊  
不令執簡候亭館直許攜手遊山樊忽驚列岫晚來碧  
積雪洗盡煙嵐昏碧波迴嶼三山轉丹檻繞郭千艘屯  
華鑣躑躅徇沙步大旆粲錯輝松門樛枝競鶩龍蛇勢  
折幹不沒風霆痕相重古殿倚巖腹別作新徑縈雲根  
目傷平楚虞帝魄情多思遠聊開尊脆絲細管逐歌颺  
畫鼓繡靴隨節翻鏘金七言凌老杜八木三法蟠高軒  
嗟予絕倒久不和忍復感慨論元元

使南海道長沙題道林嶽麓二寺 唐 扶

道林嶽麓仲與昆卓犖請從先後論松根踏雪三十步  
始見大屋開山門泉清或戲蛟龍窟殿豁數盡高帆掀  
即今異鳥聲不斷聞道看花春更繁從容一衲分若有  
蕭瑟兩髻吾能髡逢迎侯伯轉覺貴膜拜佛像心加尊  
稍揖英皇頰濃淚試與屈賈招清魂荒唐大樹悉柗桂  
細碎小草多蘭蓀沙彌去學五印字靜女來懸千尺幡  
主人念我塵眼昏半夜號令期至暾遲回雖得上畫舫

羈紲不敢言綠尊兩祠物色採拾盡壁間杜甫原少恩  
晚來光彩更騰射筆鋒正健如何吞

道林寺

崔珏

臨湘之濱嶽之麓西有松寺東岸無松風千里擺不斷  
竹泉瀉入千僧厨宏梁大棟何足貴山寺雅有山泉俱  
四時惟憂不敢入燭龍安敢停斯須遠公池上種何物  
碧羅扇底紅鯉魚香閣朝鳴大法鼓天宮夜轉三乘書  
野花市井栽不著山鷄飲啄聲相呼金檻僧迴步步影



石盆水濺聯聯珠北臨高處日當午舉手欲摸黃金烏  
遙江大船小於葉遠林雜樹齊如蔬潭州城郭在何處東  
邊一片青模糊長卿之問久寂寞五言七言夸規模我  
吟杜詩清入骨灌頂何必須醍醐

宋

武昌西山竝序

蘇軾

嘉祐中翰林學士承旨鄧公聖求為武昌令常  
遊寒溪西山中人至今能言之軾謫居黃岡

與武昌相望亦常往來溪山間元祐元年十一月二十九日考試館職與聖求會宿玉堂偶話舊事聖求嘗作元次山窪樽銘刻之巖石因為此詩請聖求同賦當以遺邑人使刻之銘側

春江綠漲蒲萄醅武昌官柳知誰栽憶從樊口載春酒  
步上西山尋野梅西山一上十五里風駕兩腋飛崔嵬  
同遊困卧九曲嶺褰衣獨到吳王臺中原北望在何許  
但見落日低黃埃歸來解劍亭前路蒼崖半入雲濤

堆浪翁醉處今尚在石臼杯飲無罇罌爾來古意誰復  
嗣公有妙語留山隈至今好事餘草棘常恐野火燒蒼  
苔當時相望不可見玉堂正對金鑾開豈知白首同夜  
直卧看椽燭高花摧江邊曉夢忽驚斷銅環玉鎖鳴春  
雷山人帳空猿鶴怨江湖水生鴻雁來請公作詩寄父  
老往和萬壑松風哀

花光仲仁出秦少游蘇東坡詩卷思兩國士不可  
復見開卷歎絕因花光為我作梅數枝及畫煙

外遠山追少游韻記末

黃庭堅

夢蝶真人貌黃槁籬落逢花須醉倒雅聞花光能畫梅  
更乞一枝洗煩惱扶持愛梅說道理自許牛頭叅已蚤  
長眠橘州風雨寒今日梅開向誰好何況東坡成古丘  
不復龍蛇看揮掃我向湖南更嶺南繫船來近花光老  
歎息斯人不可見喜我未學霜前草畫盡南枝與北枝  
更作千峯倚晴昊

太平寺慈氏閣

黃庭堅

青玻瓈盆插千岑，湘江水清無古今。何處拭目窮表裏，  
太平飛閣暫登臨。朝陽不聞皂蓋下，愚溪但見古木陰。  
誰與洗滌懷古恨，坐有佳客非孤斟。

岳陽書事

楊時

洞庭水落洲渚出，疊翠疎峯遠煙沒。重樓百尺壓高城，  
畫棟沉沉倚天闕。湖光上下天水融，中以日月分西東。  
氣凌雲夢吞八九，欲與渤海爭雌雄。澄瀾無風雨新霽，  
一目萬頃磨青銅。琉璃夜影貯星漢，騎鯨已在銀河中。

湘妃帝子昔何許但有林壑浮青空蒼梧雲深不可見  
遺恨千古嗟何窮須臾晦冥忽異色風怒濤翻際天黑  
乘陵瀨壑走魑魅滄瀄百怪誰能測忽看舟子玩行險  
更欲飛帆借風力安得晴雲萬里開依舊寒光浸虛碧

黃陵廟

蘇軾

江邊石壁高無路上有黃牛不服箱廟前行客拜且舞  
擊鼓吹簫屠白羊山下耕牛荒硤确兩耳磨厓四蹄濕  
青芻三束長苦饑仰看黃牛安可及

題五士遊嶽麓

張栻

閉門六月汗如雨出門襜褕紛塵土  
文書堆案曲肱臥夢逐征鴻過前浦  
西山突兀不可忘勇往政須求快覩  
朝暾未升起微風中流咿啞挾鳴櫓  
長林秀色已在望有如出語見肝腑  
意行愛此松陰直眼明還喜碑字古  
高低梵釋看幽居深隱仙家開闕宇  
忽看宮墻高十丈學宮峩峩起鄒魯  
斯文政倚講磨切石室重新豈無補  
危梯直上不作難橫欄截出可下俯  
惟茲翼軫一都會

往事繁華雜歌舞變遷反覆寧重論昔日樓臺連宿莽  
邇來人物頗還舊豈止十年此生聚泉流且循除華表  
鶴來語炎風知不到山林茗盃蒲團對香縷禹來杖履  
皆勝引季也亦復同步武洛陽年少共白頭三閭大夫  
良自苦一笑便覺真理存高談豈畏丞卿怒不圖畫僧  
聖得知貌與兒童作夸誦請君為我添草堂風雨瀟湘  
守環堵

荊州歌

陸游



楚江鱗鱗綠如釀  
街尾江邊繫朱舫  
東征打鼓挂高帆  
西上徜徉聯百丈  
伏波古廟占好風  
武昌白帝在眼中  
倚樓兒女笑迎客  
清歌未盡千觴空  
沙頭巷陌三千家  
煙雨冥冥開橘花  
峽人住多楚人少  
上鐺爭入茱萸茶

明

赤壁歌

方孝儒

東夏口西武昌  
赤壁峭絕當中央  
奸雄將軍氣盖世  
敗卒零落慚周郎  
得鱸魚沽美酒  
就黃州謁蘇子  
謫向江

湖動星斗噫巖欹曹公氣勢蘇子文章人物銷鑠塵跡  
荒涼惟有江水千古萬古共流長

鹿門山

薛瑄

西來漢水浸山根舟人云此是鹿門峭壁蒼蒼石色古  
曲逕杳杳藤蘿昏亂峯幽谷不知數底是龐公栖隱處  
含情一嘯江風清雙櫓急搖下灘去

雲溪古松歌

何景明

岳州地多古松樹千株萬株植官路故老猶能記歲年

行人不解知朝暮臨江西來煙霧起夾谷連山一百里  
黛色寒通七澤雲秋聲夜捲三江水郡城之北江水東  
鄂王祠廟丹青空英雄為謨本宏遠古木至今多烈風  
忠魂義魄知何在故物依然見遺愛繁枝百世人不剪  
直氣千尋我當拜六月前過蒲圻城古松陰中三日行  
空山倒樹雷雨黑盛夏常貯炎風清郵亭傳舍總蕭瑟  
鬱抱煩襟亦飄逸迴巖峭壁奔洪濤老蔓長藤翻白日  
只今復向巴丘道野草漸多松漸少仄徑孤根半蝕苔

夕陽幾樹空垂蔦昔時所見合抱材斷枝落葉隨蒿萊  
過客山中想清籟行徒道上愁黃埃輦山輿嶺萬千重  
半作豪家樓上棟古人之力今人勞大厦明堂不得用  
年年官吏催斧斤故老雖怒那敢嗔傍枝出地子成樹  
野婦山樵推作薪驛前數幹聊可數我復見之再三撫  
霜皮露甲如虬蟠霧鬣煙鬟學龍舞陰森氣象凜猶昔  
翠色長標不可侮荒林曠野識者稀終為誰家起廊廡  
回首鄂廟秋山阿廟前之樹無高柯鬼神呵護亦徒爾

英靈不返將如何  
逢人且無怨  
搖落志士胡為傷  
軾軻君看世事盡  
如此拔劍聽我松前歌

送劉大夏歸東山草堂歌

李夢陽

東山有草堂  
縹緲雲嶠孤  
前對祝融峯  
下瞰巴陵湖  
明公昔時此  
堂堂居麋鹿  
熊豕當窗趨  
洞庭日落風  
浪湧倒影射  
堂堂欲動慘  
淡惟聞紫芝  
曲獨善不救  
蒼生哭先帝  
親裁五色詔  
老僧曾受三  
朝祿此時四  
郊多戰聲  
曳履謁帝登  
承明謝安笑  
却淮淝敵韋  
臯坐測氐羌  
兵九

重移榻數召見夾城日高未下殿英謀密語人不知左  
右微聞至尊羨自從龍去不可攀公亦卧病思東山湘  
娥含笑倚竹立山鬼窈窕堂之側上書告老只欲歸聖  
旨優容意悽惻內府盤螭縷金織賜出傾朝皆動色白  
金之鈺紅票記寶鈔生硬鴉翎黑崇文城外水雲白是  
日觀者塗路塞城中冠蓋盡追送塵埃不見長安陌人  
生富貴豈有極男兒要在能死國不爾抽身早亦得君  
不見漢二疏千載想慕傳畫圖即如草堂何處無祿食

覩竊胡為乎乃知我公真丈夫嗚呼乃知我公真丈夫

送王公濟歸武昌歌

李東陽

武昌何雄哉高藩巨鎮天為開舜遣神功下疏鑿始見  
長江大漢袞袞從空來連山奔騰若奔馬三十六磯水  
如瀉平川渺渺原茫茫瞥視孤城如一瓦英雄割據三  
千年聖代乾坤盡陶冶翬飛井絡周沓平其間不獨帆  
檣往來者吾嘗南遊吳西入楚登胭脂望鸚鵡夜月山  
橫赤壁坡晴沙日射黃金浦是時懷故鄉吊前古吳周

黃晉陶庾姦如曹瞞猥黃祖餘子碌碌安足數方今修  
文復偃武家詩書士冠組地靈人傑真快覩予獨無能  
愧鄉土王君磊落人中豪十年書劍隨遊遨撫揮七絃  
動流水點染萬象歸秋毫有時縱筆作詞賦出入經史  
窺風騷豈徒文思比唐勃應遣頌聲如漢褒南宮宋舉  
不一薦駿馬未脫鹽車勞君今拂衣去京闕瀛海浩蕩  
蓬山高高歌向空空宇濶白日鼓柁凌風濤昔作鳳朝  
陽今為鶴鳴臯攜手欲止之江流正滔滔丈夫離別各



有志不學世上兒女聲  
嗷嗷贈君明月為鈎虹  
作線歸向江頭掣巨鰲

鐔上送僧歸衡山

林鴻

上人孤閒似野鶴十五  
出家住衡嶽說法能超  
最上乘持心不受羣疑  
縛世上誰知來去蹤南  
窺大華北遊嵩衲經雁  
宕千峯雪定入峨眉嶺  
夜半鐘於今戒牒青松  
古猶戀慈航到東土楊  
柳舟中九曲雲筍皮笠  
上三山雨昨夜歸心繞  
楚天西風杖錫又茫然  
化龍潭畔清秋別

回鴈峯頭舊日禪

禹碑歌有序

楊慎

禹碑在衡山絕頂韓文公詩云云詳詩語始終  
公蓋至其地矣未見其碑也所謂青字赤石之  
形模蚪蚪鸞鳳之點畫述道士口語耳若見之  
矣發揮稱贊豈在石鼓下哉迨宋朱張同遊南  
嶽訪求復不獲其後晦翁著韓文考異遂謂衡  
山實無此碑反以韓詩為傳聞之誤再考六一

集古錄趙明誠金石錄鄭漁仲金石畧之三家者古刻臚列獨不見所謂禹碑者則自昔好古者流得見是刻者亦罕矣碧泉張季文得墨本於楚持以貺予予乃撫卷而歎曰嗟乎韓公所謂事嚴跡閔鬼莫窺者信乎不然何三千餘年而完整無泐如此何昔之晦何今之顯晦者何或翳之顯者何或啟之神飫吾嗜不必以生世太晚為恨也已作禹碑歌以紀之雖孱下之詞不

足以影响韓蘇然闡幽蒐竒繼絕表微固亦二  
公之雅意乎

神禹碑在岫嶠尖祝融之峯凌朱炎龍畫傍分結構古  
螺書匾刻戈鋒銛萬八千丈不可上仙扃靈鑰幽以潛  
昌黎南遷曾一過紛披芙蓉寒水簾天柱夜瞰星辰下  
雲堂朝見陽輝暹追尋夏載赤石峻封埋古刻蒼苔黏  
拳科倒薤形已近鸞飄鳳泊詞何織墨本流傳世應罕  
青字名狀人空瞻永叔明誠及夾漈集古金石窮該兼

臚列箴銘暨欵識橫陳  
駢體和全驚胡為至寶  
反棄置据撫磨蟻捐烏  
蟾又聞朱張遊嶽麓霽  
雪天風飄佩褱搜竒索  
秘跡欲徧春唱撞和詩  
無厭七日崎嶇信有覲  
一字膏馥寧忘拈非關  
嶮阻登陟定是藤葛籠  
窺覘好古予生嗟太晚  
拜嘉君貺情深快老眼  
增明若發覆尺喙禁斷  
如交箱七十七字挈螭  
虎三千餘歲叢蛇蚺憶  
昔乾坤漏息壤蕩析蒸  
庶依苓摻帝嗟懷襄咨  
文命卿佐洛洞分憂悞  
洲并渚混没營窟鳥迹  
獸迹交門檐竭

來南雲又北夢直磬西被仍東漸黃熊三足變鮪服白  
狐九尾歌龐袖後乘包湖受玉籙前列溫洛呈疇占永  
奔竄舞那辭胙平成天地尤垂謙革嶽泰衡祇平定鬱  
塞昏徙逃禹噉文章絢爛懸日月風雪呵護環屏黔君  
不見周原石鼓半已泐秦垌詛楚今皆殲此碑雖存豈  
易得障有嵐靄峰巘巖足音覓絕挂藜藿弔影颺瑟瑟  
構杓湘娥遺佩冷斑竹山鬼結旗零翠斂造物精英忌  
發洩祇恐羽化難留淹欲摹墨本鑄崖壁要使好事傳

細縑著書重訂琳琅譜裝帖新耀瓊瑤籤麝煤輕翰蟬  
破搨煩君再寄西飛鷄

武當歌

王世貞

黑帝不卧玄冥宮再佐真人燕薊中乾坤道盡出壬午  
日月重朗開屯蒙人間大小七十戰一勝業已歸神功  
久從北極受尊號却向西方稱寓公武當萬古鬱未吐  
得吐居然壓華嵩是時豈獨疲荆襄雍豫梁益皆為忙  
少府如流下白撰蜀江截雲排豫章太和絕頂化成似

玉虛彷彿秦阿房南巖宏竒紫霞麗甘泉九成差可當  
十年二百萬人力一一捨置空山傍嗚呼英雄御世故  
多術卜鬼探符皆恍惚不聞成祖帝王鬚曾借元天師  
相髮漢武空邀王母過高真不顯宋宣和功名雖盛毋  
乃晚混沌時來當奈何

登岳陽樓望君山

楊基

洞庭無煙晚風定春水平鋪如練淨君山一點望中青  
湘女梳頭對明鏡鏡裏芙蓉夜不收水光山色兩悠悠



直教流下春江去消得巴陵萬古愁

輓熊烈女

梅國禎

貞也二遊廣漠野  
眼中有淚不易灑  
誰家有女節獨苦  
驚看不覺淚如雨  
百年恩愛在結盟  
結盟為重恩愛輕  
一朝夫壻不可活  
我身可許股可割  
割股事夫即以身  
肯令夫死從別人  
以口齧土土欲摧  
天地為我收塵埃  
以頭觸棺棺欲裂  
棺上殷殷頭上血  
血污麻繩還自縊  
其如親戚紛相衛  
便生只有灰中燼  
可憐對面不相信

曉來含淚若為粧起向阿姑與爺孃我今從爾勿復憂  
但令獨處守即休回身闔戶聲吼吼天地反覆山川走  
又如雷電砰礮風雨駛破門已作觸柱死自古豈無臣  
之忠高牙大纛金門通又豈無婦之節合歡雙帶同心  
結豈如女未入夫門生死尋常由一言首陽之薇空復  
青汨羅千載流濁涇倏忽綱常標閭閻頓令山水生顏  
色男兒拚此七尺軀龍逢比干俱丈夫仰天血泪墮肝  
膽一滴能教滄海枯

天柱峯觀月出歌

徐學謨

虹橋誰鎖千尺鐵天梯雲棧開截葉飛鳥迴翔鍛羽翰  
輕身直上雲霄闕紫霞山人白羽裳絳節飄飄羅我旁  
松濤颭颭捲煙霧雙童把贈明月光東林猿啼西虎嘯  
箕坐風頭欲狂叫不知三界渺何許俯視冥濛通一竅  
千山萬山森戟排小星大星當面迴光芒盪射天河倒  
欲與濁世洗浮埃太華如拳江漢立醉來翻覺天地窄  
振衣千仞歌者誰南紀飄零老賓客

客星山歌

黃溥

清江之山天下奇，客星屹立無與齊。低處猶疑紅日近，  
高處恍覺青天低。羣峯落落何截業，欲斷不斷如擘鐵。  
雲邊樹色自遠近，雨後嵐光靡斷絕。千巒萬岫勢壓天，  
憑凌五嶽冠山川。白鶴元猿歲相促，幽花野草爭春妍。  
孤高自是施之望，左右羣山皆近讓。瀑流不數廬山雄，  
奔騰直下三千丈。丹崖翠壁高重閭，風元圃疑相通。  
避俗豈無曠，世上採芝應有商。山翁君不見，太白天上

僊謫僊於此曾盤旋君不見涪翁千載士居黔未必不  
遊此到處景物皆品題何事茲山無一詩山川秘靈豈  
待時後三百年來何遲勝跡一一探索遍前哲敢企同  
襟期我有些紫霞想欲賦汗漫遊呼風乘雲駕黃鶴扶搖  
直上最上頭萬里銀河可飛越遨遊擬叩玉皇闕下與  
濁世掃粃糠上扶雲霧扶日月功成追逐浮邱翁冥鴻杳  
杳秋濛濛便欲與君飲一斗醉後拔劍斫取十二青芙蓉

古荆篇

袁宏道

年年三月飛桃花楚王宮裏度繁華雲連蜀道三千里  
柳拂江隄十萬家丹樓繡幌巢飛燕青閣文窗起睡鴉  
鴉歸燕語等閒度不計江城春草暮東風香吐合歡花  
落日烏啼相思樹王孫挾彈郢門西少年借宿章臺路  
少年矯矯名都兒雕鞍朱勒黃金羈採桑陌上青絲籠  
紅粉樓中白紵詞白紵綠水為君起青春環佩如流水  
東城絲管接西城相府豪華壓朱邱俠客飛鷹古道傍  
佳人賣笑垂楊裏垂楊二月隱朱樓家家宴喜樓上頭

綦烏喧填朝送酒管絃嘈襍夜藏鈎繁絃急管夜初闌  
惜花少女怨春殘桃花灑灑歌成血蘭炷漫漫火送寒  
曉風楊柳菖蒲浦秋月梧桐金井欄秋月春花無斷絕  
門前郁李九迴折願作陽臺雨後雲誰憐洛水風中雪  
陽臺洛水夢空長那似娼家玳瑁牀選得東家佳姊妹  
延却西第好兒郎織成錦席迷蝴蝶種得青梧棲鳳凰  
遊人戀戀無窮已踏遍江城春萬里只解宿從集似雲  
那惜年光去如矢花開花落迥生愁郢樹鄢雲幾度秋

霍氏功名成夢寐梁王臺館空山邱榮枯翻復竟何言  
昨宵弱水今崑崙無人更哭西州路有雀還登翟氏門  
漢恩何淺天何窄百年冠蓋盡蕭索昔時噓氣成煙雲  
今朝失勢委泥礫青娥皓齒嫁何人金牀玉几為誰作  
已矣哉歸去來楚國非無寶荆山空自哀君看白雪陽  
春調千載還推作賦才

登黃鶴樓次李西涯相國韻

龔三益

仙人到處堪棲泊幻出白雲與黃鶴鶴去樓空事若何



江天一望成寥廓蛇盤龜鎖誰開鑿鳳凰鸚鵡相纏絡  
夏羽迴翔仙棗亭振衣俯視晴川閣隔江大別起孤峯蛟  
龍跋浪馮夷宮帆檣遠自五湖至煙霞暗與三湘通襟  
帶高深浩無極憑闌颭颭生雄風屈原宋玉久不作獨  
有崔顥稱詩翁朝來銜命羅羣彥棘闌深鎖秋過半  
草千齡伴藥籠丹砂五色凝柔翰物色由來重楚材江  
山隱隱菁華見白華聊辭眯目譏熊湘倘復開生面茲  
辰把臂共登臨願借并刀裁疋練醜酒還招跨鶴人冉

再乘雲下霄漢

皇清

恭賦

聖謨神武永清朔漠歌

熊賜履

聖主乘乾御八極物阜民康兵氣熄三十六春解澤滂  
九雨十風皆

帝力東盡若木西流沙瀛海炎荒竝筇熨車書玉帛萬  
方同鑿齒雕題修貢職六服承流六宇和

皇上有道天休殖蠢爾妖魔厄魯特吽號邊陲等烏弋  
貪狼起自蔥嶺西一路瓜沙被蠶食蠶食鴟張轉  
朔方蚩尤有衆挽弓強角聲一動天山黑亂草纏  
麻秋雨傷二十年來狂逐塊昏昏豕突侵我疆  
天子赫然斯震怒

六龍時邁整戎行虎賁三千隨

玉輦貔貅百萬列龍驤九天九地誰能測七步七伐總  
難量雲移豹尾馳

天仗日繞麟旗擁

御疆

天朝

天子從天降穴中  
螻蟻復何望  
鼙鼓淵淵山嶽撼  
霹靂一陣揮天狼

皇威既震豺狐走  
京觀崔嵬瘞羣醜  
遊魂一息釜底餘  
大樹將軍姑留守  
六軍齊唱凱歌行

御駕回鑾干羽迎  
白雁上林隨  
鸞舞鈞天樂奏泰階平

天子殷殷動顏色  
櫓槍未淨猶蠹豎  
獫狁已興六月師  
鬼方寧惜三年克  
八月霜飛九月寒

君王又跨紫金鞍  
雪花如席霑貂裘  
三軍挾纊翠裘單  
指揮千障

詔書頻赤翟青羌  
爭趨迎受降城外  
受降城闕外備聞  
天子令賊頭首竄  
太狐疑賒死執迷  
無人性居庸關路  
暮雲黃萬姓迎

鑿倍歡慶今年春  
月乳鶯飛邊柳青  
塞草肥大同城

上軍如堵不翦樓蘭誓不歸金微噫噫吹鈴籥又  
見

六龍過萬壑亂山高下入雲中姑衍峯頭鋪帷幕噶賊  
聞之心膽寒蕃兒逆豎千羣縛破巢之下無完卵  
淒淒夜月焉支落千金購得宛王頭野馬明駝紛  
籠絡捷書宣布萬人歡此賊一除天下樂黃河曲  
曲

御舟看部屋承

恩淚闌干玉門闕外春光滿  
賀闌山頭紫霧團  
振旅班

師

天顏喜

龍輶如在烟霞裏  
黃花戍內罷新城  
紫荆臺畔除高壘

從茲寰宇樂清平  
億萬斯年綏福履

告成飲至集彤廷  
獻馘稱觴勒青史

帝德廣運本難名  
神堯之後我

皇比我

皇功高心彌下保泰持盈常如此只今佳氣滿皇州龍  
馬器車海屋流騶虞在郊鴛鴦舞嘉禾瑞麥年年  
收年年布穀催耕趣五穀豐登調玉燭玉燭光調  
四海寧萬歲千秋太平曲

登木蘭山

姚繩虞

木蘭峻削青天中上依帝座呼吸通南經瀉水滙江  
漢石蘿翠竹搖春風破石撐空僅一線懸岩直下凌空  
同紫梯翠嶂不可捫丹煙寂歷寒雲東淮南雞犬無



踪跡自當赤脚踏鴻濛

後屯營隄歎並序

王又旦

歲戊申漢水決潛之屯營灣十一月興築既作詩  
以紀其事時荆人郢人議協築郡縣會勘互有  
推委各持一論甚堅工既興屢促荆人不應至  
八年四月二十九日又決而荆亦為魚矣此隄  
數年已三潰因悼居人之逃散且棄成勞也作  
後屯營隄歎

四月月晦北風急十日淫雨地軸濕堤上人家愁相  
向渺瀰一陷嗟何及須臾圻裂雲散亂蛟龍震怒波  
濤入寨焚枕壁吾不能低頭墮淚江頭立

又

號莽乘勝白日伏大麥萬頃看將熟欲穫不獲付馮  
彝老蛟得意上高木嗚呼一堤潰三載有田不勞植  
嘉穀流亡猶厓官長憂今年堤決無人哭

黃鶴樓

李為霖

蛇山之首漢江尾危樓巖葉竒且偉勢如鳥草如翬  
飛上去青天咫尺幾風雨戶牖臨空開簷牙八面生  
莓苔直指青霄燕影落倒入長江蛟陣回晴川高閣  
遙相峙芙蓉花外漢陽市賈客操舟逐逝波望中有  
若軒與輕巍我大別踞其西東接高觀煙樹齊更上  
層樓窮醉眼置身天際衆山低俯睇江河日東下千  
里帆檣怒濤瀉一聲欵乃起汀洲幾點漁燈明子夜  
夜深有客獨憑樓明月飛來樓上頭金楹斜出天河

近哲哲檐前星欲流武昌城裏十萬戶煙火霏微難  
指數迷離不辨楚王宮波明疑是滋陽渚南樓勝事  
不可追七重九柱亦何為玉笛飛聲到樓角江淮人  
動楚天悲爛漫題詩滿亭側誰云有景道不得嘯歌  
忽覺天地寬冷然欲生乘風翼鸚鵡洲沉古渡前黃  
鵠磯頭酒旆懸安得歸來同白鶴吹笙重見緱山巔

沮漲吟

楊州彥

西潭昨夜老蛟怒黑雲翻落秋霖注雷啣一派雨聲

飛千溪萬壑奔不住黃河水色灩澦波移來沒却臨  
沮路細魚顛倒駭洪濤巨鯿車翻失故步疑如三家  
村裡兒乍踏都城生恐怖洄湍蝕岸入流沙橫流直  
下拔根樹土不勝水木不生遂使五行愆氣數野航  
如葉競先登逢人舌敝公無渡眼花逐浪掉頭看怪  
底一聲生雲霧

晴川補樹詞為毛會建

夏嘉瑞

古人好奇立勝事誰於其中定坐位河山不老風雨

尊鬼匠神工走魑魅晴川歷歷漢陽樹司勳實錄此  
七字至今樹往司勳存譬彼叔偉以鶴誌樓臺邸第  
半荒煙老兔寒鴟窮即次樹影婆娑返太空雲山婁  
斷白日費神開其心托毛子定我千年舊布置啟辟  
修明幾晦明灌樹檉椐以漸致蒼然蒼碧徧郊原春  
溫秋肅四時備如龍點睛獼粧額造物不至人事至  
天涯知己共流連只合榜曰毛子賜我思種竹非一  
處其中手眼各自出子猷種竹於借居君謨官舍松

成肆鵠山仙棗洪山柏梅塢柳堤如列幟樹之創者  
有其人樹之補者誰其嗣今人視昔後視今請以予  
詩作外記

開雲樓懷古

彭齡

危樓俯視衡城小下有迴瀾湘水遶誰家門戶不囂  
塵冠蓋車騎康莊道雉堞參差灑祝融千秋瞻拜古  
行宮畫壁蒼苔蘚老唐虞望秩至今崇慷慨倚樓  
多興寄却憶昌黎開雲事精誠淵默感神明詞賦與

渺探天地浮雲靈似鱷魚多開雲已事諒無訛鱷魚  
一去朝陽靜雲往雲來不可定安得昌黎筆長在一掃  
萬古雲鬣隼

青玉壇

彭齡

在祝融峯下有小徑左右臨深壑俗名試心橋  
最險過此方達青玉壇遊者怯焉

紫霞三秀青玉壇鬱紆煙雲隱射千咫尺渾如蜀道  
難漫說贛水皇恐灘我學前賢守身完况無扶搖助



羽翰我所主者此心丹偶然履險心安安我來青玉  
壇上立賺得煙雲千萬級

月夜步雷溪

彭齡

湘水冰水水合襟平沙遠望白雲薄灘石稜稜日夜  
吟石鐘之山浪劇侵笑盡往古幾銷沉秋高天清月  
色淫衆水競獻光淺深湘妃月姊孤單心到此同調  
綠綺琴更疑屈宋有嗣音招魂獨夜愁難任

水簾洞

彭齡

奇峰銳剝銀河漏半天瀉下飛濤吼泉聲石勢天馬  
行電掣雷轟老蛟鬪可憐龍女長寡棲繅絲愁聽烏  
夜啼鮫綃一幅掛洞府洞口明月照琉璃

西爽

毛會建

庚子初夏余西崖夏人淑於黃鶴之西岩得西  
爽二字石碣書法道古非近時人筆相期結亭  
其上因賦此以贊決之也

天高地下河山邈齷齪滿前人易老何當一氣相周

旋惟有長空淨如掃此氣四空同不磨長庚映之益  
光皦有時逼人看宇間霜稜日角常矯矯有時注人  
胸臆中冰壺玉尺常皎皎我遊黃鶴凡幾年鵠城石  
鏡恣探討曾聞岩畔有奇字西爽勒石當空宵鮮蝕  
虫斑字剥落土花瘞影不可考余子夏子曰搜奇忽  
然見之白雲表峭壁周遭如割方照人光潔同裂縞  
兩字淨嶮不盈尺漏痕釵脚都完好不盡人地不盡  
年一片精魂成紹繚信如此氣堅不磨入石千齡靜

相保二公好事復耽詩大言小言皆絕倒更許他時  
為結亭翼然端不讓仙棗我昔岫嶁訪禹碑摹刻大  
別稱工巧湧月高臺近咫尺曹公落筆非草草從此  
隔江還鼎峙沐日浴月是三島白雲黃鶴任去來永  
為河山作琛寶詩成與爾傾百觴目光四射天地小

贈王侗菴

黃利通

我觀天地之大也文人往往談風雅漢魏三唐宋元  
明詩卷何多才何寡墨池如海紙竟天若欲自附古

作者不有橫截今古之竒才總然顛沛騷壇下永寧  
高士王先輩少負詩名罕其配世家英絕早升堂千  
人萬人皆自廢荏苒卅載困諸生八陣空教縱復橫  
同學少年方建節李嵩本先生一第竟無成詩能窮人  
窮益工牢騷羞與衆人同南面北城尋真樂消受霽  
月與光風長年待次貢春官蹇驢襪被上長安胸中  
詩與河山壯宮闕嵯峨縱大觀布衣暫作帝鄉客貴  
人滿目雲泥隔此心不染九陌塵此身懶過五侯宅

新詩一卷坐匡牀誰其賞者施

愚山

與王

山

宋元之詩

今得令獨許侗翁逼盛唐兩公當代之詩史一序一

評屈一指有人知己真不恨先生從此歸休矣歸卧

先人之草廬斷垣風雨無完居寂寞蒼苔人罕到窮

年抱膝自晏如笥稿重將子細刪行行珠玉壓人寰

一家言是千秋事筆削猶然付藕灣

張長人

惜哉紫芝

劉千里芝

在堂集

白茅

顧赤方白茅堂集

今已槁惟有藕灣稱遺老

塗竄二典抹生民為公日夕窮蒐討今年我自齊昌

至欲向揚雲問難字豈料忘年愛不才相與賞竒析  
疑義斜陽樹杪為止宿床頭不厭酒頻漉先生不飲  
看人醉醉鄉中人何碌碌燈火裛回興未闌檢得新  
編授余讀一讀再讀絕妙詞三君子施王張皆不我欺  
彷彿新荷經雨後想見梅花破雪時更深月白幾忘  
眠命我索句寫長箋才子落筆在雲烟非曰能之願  
學馬自笑稱詩元草草知名之士眼中少所記古來  
詩人亦不多尺管窺天天豈小但記古詩中有刀劍

几杖之銘有南風卿雲之章請以虞帝為詩中帝請以周王為詩中王又記古詩中有零雨常華之作有龜山猗蘭之辭請以家相為詩中相請以先師為詩中師今與先生約敬奉三百五篇孔選定本為盟主詩傳詩序之賢坐兩廡後來誰堪陪末紀楚有屈宋晉有陶潛唐有李白與杜甫此外諸子但紛紛宮牆數仞皆不與願與先生詩中得妙悟不受三代以下詩人悟率意長吟筆有神胡為乎趨亦趨而步亦步



有時放眼乾坤內詩思忽豪舉當得玉環為我捧研  
飛燕為我起舞有時寸心苦未平慷慨欲誰語當得  
杜默為我放聲正平為我搥鼓時而江山尋逸事雲  
樹寫閒心當得湘中老人為吹蘆海上先生為鼓琴  
時而遊於方之外招招須我友當得王皇門下葛白  
為布席匡山道人為沽酒噫吁嘻先生真能許吾否  
百篇何須飲一斗得之於心寓之手先生橫矛躍馬  
導其前我屬橐鍵從其後不是詩聖亦詩狂先生真

能許吾否

月夜登赤壁戲東張畊石胡羽彤兩孝廉

陳大章

長江斷岸千仞懸吳楚一氣相迴旋岩前虬虎萬穴  
兀怪籐老樹飛相攢窮秋靜夜莽蕭瑟而我支離攘  
臂乎其間舉頭不見橫江鶴明月直掛西南天我來  
吳會山水窟金庭玉室長留連到此劃然一長嘯運  
斤五岳輕人寰解衣醉倒呼玉局平地已作羽化仙

燈火熹微人跡絕  
戍樓鼓角聲淒然  
張子工文室懸  
罄胡君授經厨  
無煙想見夜深耿  
不寐搜竒角勝聳  
兩肩徑擬襍被來  
問字嚴城咫尺尋  
無緣寒烏啞啞  
棲復起病眼強合  
心悁悁明朝握手  
應大笑定詫老  
狂殊未痊

過洞庭

夏立中

天地形如卵就中誰開斲  
倚棹登鴻蒙勢若坐空殼  
當空白日浮又疑玉在璞  
八柱何穹窿二儀啟帝幄

世人每笑張騫幻安得乘槎到河漢今日冥茫接太  
虛仰視河漢猶有岸天蕩蕩水悠悠鄉關目斷不勝  
愁我來漢江湖流六百里萬山到此忽然止回顧君  
山數點青飄飄出沒如萍芷森然西望更無窮不識  
坤輿還有幾野霧天涯近悲風日暮催焱馳飛驟雨  
騰踏走驚雷巨靈怒逐千峯滾河伯奔鳴萬馬來我  
欲上觀開闢運更欲下搜劫灰燼長歎百年中擾擾  
勞方寸誰知竟日裏早已窺網緼窺網緼在須臾致

身縲渺入雲衢此去更登衡岳頂堪嗟牖下書生終  
日觀天如在井

輓都閩宣忠烈

張三異

揚青史發皓齒都閩將軍英烈子坐鎮鄂城清似水  
四郊不見妖氛起軍容正資刁斗習豈意小醜如蝟  
集拔劍猖狂逐隊行九門大開兵不戢黑雲壓城城  
欲摧中丞見逼旂旄頽大聲疾呼百不應揮戈無復  
定蠻才勢促如緣木蹲躅空捫腹一木實難支枉效

秦庭哭壯氣彌天作陣雲忠肝視死如歸宿君不見  
眼光墮飲白七撚拳透背齧穿齒問誰擔爵報主恩  
問誰食祿為國死誰與名臣共殺身誰為都閩獨成  
仁青史芬宣將軍

衡邑陰雨連月自進山祀廟忽大晴霽次昌黎謁  
廟韻

吳士玉

嶽雲疇昔開韓公衆峯突兀鴻濛中潛心默感捷若  
響意氣與嶽爭英雄我行奉使來楚境重陰積晦知

安窮山邑候館駐使節中夜猶作雨與風飛檄致齋  
飭祀事精白竊覲神明通晨發忽喜煙霧散飄飄黃  
纛翻長空陣雲捲出五峯秀錦繡絢日春光融古松  
參差過嶽市仙璫導入朱陵宮

御書亭前呼嵩畢仰瞻

天藻雲霞紅齋房邃穆凜

帝訓矢誠與敬殫厥衷省牲維謹將事肅裸薦恪秉清  
明躬起視星芒燭殿宇神用享錫萬福同邦人連月

正祈霽豐穰有兆卜歲終時暘曰又應皇極小臣何  
力貪天功嶽色向晚轉澄碧纖翳淨絕無朦朧攜筇  
徑上祝融頂芙蓉紫蓋隨西東

望嶽麓

涂天相

衡嶽巨靈撐南服回雁為頭嶽麓足松杉千樹蹀間  
毛怪石嶙峋脛骨感一臂能容千佛坐一掌卧抵湘  
水促秦王鞭之不肯行愚公徙之獨蹢躅洞庭春雨  
溢湘江從容直下湘江浴脚跟跼定穩如山詎向紅



塵輕鹿鹿千巖萬壑血脉流指縫攢簇蒼筤谷寄語  
登臨選勝者細尋筋節須不于莫將蹤步亂飛揚怒  
觸山靈搖顛撲

湖廣通志卷八十五

欽定四庫全書

湖廣通志卷八十六

藝文志

五言排律

唐

西使兼送孟學士南遊

盧照隣

地道巴陵北天山弱水東相看萬餘里共倚一征蓬零  
雨悲王粲清樽別孔融徘徊聞夜鶴悵望待秋鴻骨肉

楚秦外風塵關塞中唯餘劍鋒在耿耿氣成虹

春晚從李長史遊嶽麓道林  
駱賓王

幽尋極幽壑春望陟春臺雲光棲斷樹林影入江杯古  
藤依格上野徑約山隈落葉翻風去流鶯滿樹來興闌  
荀御動歸路起浮埃

使過襄陽登鳳林寺山閣  
宋之問

香閣臨清漢丹梯隱翠微林篁天際密人世谷中違苔  
石銜山洞蓮舟泊釣磯山雲浮棟起江雨入庭飛信美

隨南國嚴程限北歸幽情不可再留步惜芳菲

岳州作

張說

水國生秋草離居早及瓜山川臨洞穴風日望長沙土  
物南州異關河北望賒日昏聞怪鳥地熱見脩蛇遠人  
夢歸路瘦馬嘶去家獨有江潭月徘徊戀物華

冬中至玉泉山寺屬窮陰冰月崖谷無景及仲春

行縣復往馬故有此作

張說

靈境信幽絕芳時重暄妍再來及茲勝一遇非無緣萬

木柔可結千花敷欲然松間鳴好鳥林下流清泉石壁  
開精舍金光照法筵真空本自寂假有聊相宣復此灰  
心者仍追巢頂禪簡書雖有畏身世亦俱捐

遊洞庭湖

張說

平湖曉望分仙嶠氣氛氲鼓柁乘清渚尋峯弄白雲江  
寒天一色日靜水重紋樹坐參猿嘯沙行入鷺羣緣源  
斑篠密掛徑綠蘿紛洞穴傳虛應楓林覺自薰雙童有  
靈藥願取獻明君

岳州西城

張說

水國何遼曠風波遂極天  
西江三紀合南浦二湖連  
危堞臨清境煩憂暫豁然  
九圍觀掌內萬象閱眸前  
日去長沙渚山橫雲夢田  
汀葭變秋色津樹入寒煙  
潛穴探靈詭浮生揖聖仙  
至人今不見跡滅事空傳

岳州宴姚紹之

張說

遠蒞長沙渚欣逢賈誼才  
江山疲應接風日復晴開  
江樹雲間斷湘山水上來  
近洲朝鷺集古戍夜猿哀  
岸芷

含蒼萼汀蒲秀紫臺月餘偏地賞心盡故人盃自我違  
京洛嗟君此汴泗容華因別老交舊與年顏還見長沙  
陌朝宗實盛哉

寓荊州登郡樓

張九齡

天宇何其曠江城坐自拘層樓百餘尺迢遞在南隅暇  
日時登眺荒郊臨故都累累見陳迹寂寂想雄圖古往  
山川在今來郡邑殊北江雖入鄭東距豈防吳幾代傳  
荆國當年敵陝郭上流空有處中土復何虞枕席夷三



峽關梁豁五湖承天無異境守隘莫論夫自罷金門籍  
來參竹使符端居向林藪微尚在桑榆直似王陵慙非  
如甯武愚今茲對南浦乘燕與雙鳧

南還湘水言懷

張九齡

拙宦今何有勞歌念不成十年乘夙志一別悔前行歸  
去田園老倘來軒冕輕江間稻正熟林裏桂初榮魚意  
思在藻鹿心懷食草時哉尚不達取樂遂吾情

陪張丞相自松滋江東泊渚宮

孟浩然

放溜下松滋登舟命檝師詎忘經濟日不憚返寒時洗  
憤豈猶古濯纓良在茲政成人自理機息鳥無疑雲物  
吟孤嶼江山辨四維晚來風稍緊冬至日行遲獵響驚  
雲夢漁歌激楚詞渚宮何處是川溟欲安之

過吳張二子檀溪別業

孟浩然

卜築依自然檀溪不更穿園林二友接水竹數家連直  
取南山對非關選地偏卜鄰依孟母共井讓王宣曾是  
歌三樂仍聞詠五篇草堂時偃曝蘭榭日周旋外事情

都遠中流性所便閒垂太公釣興發子猷船子亦幽棲  
者經過竊慕馬梅花殘鴈日柳色半春天鳥泊隨陽雁  
魚藏縮項鱖停杯問山簡何似習池邊

過南岳入洞庭湖

杜甫

洪波忽爭道岸轉異江湖鄂渚分雲樹衡山引軸轡翠  
牙穿裊漿碧節上寒蒲病渴身何去春生力更無壤童  
犁雨雪漁屋架泥塗歌側風帆滿微冥水驛孤悠悠迴  
赤壁浩浩畧蒼梧帝子留遺恨曹公屈壯圖聖朝光御

極殘孽駐艱虞才淑隨廝養名賢隱鍛鑪邵平原入漢  
張翰後歸吳莫悞啼痕數危檣逐夜烏

迴棹

杜甫

宿昔試安命自私猶畏天勞生繫一物為客費多年衡  
岳江湖大烝池疫厲偏散才嬰薄俗有跡負前賢巾拂  
那關眼瓶壘易滿船火雲滋垢膩凍雨衰沉綿強飯尊  
添滑端居茗續煎清思漢水上涼憶峴山巔順浪翻堪  
倚迴帆又省牽吾家碑不昧王氏井依然几杖將衰齒

茅茨寄短椽灌園曾取適遊寺可終焉遂性同漁父成  
名異魯連篙師煩爾送朱夏及寒泉

長沙早春雪後歸臨湘水呈同遊諸子

劉長卿

汀洲暖漸綠煙景淡相和舉目方如此歸心豈奈何日  
華浮野雪春色染湘波北渚生芳草東阿變舊柯江山  
古思遠猿鳥暮情多君問漁人意滄浪自有歌

自道林寺西入石路至麓山寺過法崇寺故居

劉長卿

山僧候谷口石路拂莓苔  
深入泉源去遙從樹杪回  
香隨杳靄散鐘過白雲來  
野雪空齋掩山風古殿開  
桂寒知自發松老問誰栽  
惆悵湘江水何人更渡杯

行至漢川作

李嘉祐

異縣非吾土連山盡綠篁  
平田出郭少盤壠八雲長  
萬壑歸於漢千峯劃彼蒼  
猿聲亂楚峽人語滯巴鄉  
石上攢椒樹藤間養蜜房  
雪餘春未暖嵐解晝初陽  
征馬疲

登頓歸帆愛渺茫  
坐欣沿溜下信宿  
見浮桑

湘靈鼓瑟

錢起

善鼓雲和瑟常聞帝子靈  
馮夷空自舞楚客不堪聽  
苦調淒金石清音入杳冥  
蒼梧來怨慕白芷動芳馨  
流水傳湘浦悲風過洞庭  
曲終人不見江上數峯青

過洞庭

李嶼

浩渺注橫流千潭合萬湫  
半洪浸楚翼一汜屬吳頭  
動軸當新霽漫空正仲秋  
勢翻荆口泊聲擁岳陽  
浮遠靄

滋衡岳微涼散橘州星晨連影動嵐翠逐隅收漸落分  
行雁旋添趁伴舟昇騰人莫測安穩路何憂氣與塵中  
別言堪象外搜此身如粗了來把一竿休

同劉二十八院長述舊言懷感時書事奉寄澧  
州張員外使君五十二韻之作因其韻增至八

十通贈二君子

柳宗元

弱歲遊玄圃先容幸棄瑕名勞長者寄文許後生誇鷗  
翼常披隼蓬心類倚麻繼酬天祿署俱尉甸侯家憲府



初收迹丹墀共拜嘉分行參瑞獸傳點亂宮鴉執簡寧  
循枉持書每去邪鸞凰標魏闕熊武負崇牙辨色宜相  
顧傾心自不諱金爐反流月紫殿啟晨赧未竟遷喬樂  
俄成失路嗟還如渡遼水更似謫長沙別怨秦城暮途  
窮越嶺斜訟庭閒枳棘侯吏逐麋麇三載皇恩暢千年  
聖歷遐朝宗延駕海師役罷梁嗟京邑搜貞幹南宮步  
渥洼世推材是梓人仰驥中驎剌刺苗人地仍逾贛石  
崖禮容垂琕琫戍備響銛鍛寵即即官舊威從太守加

建旗翻鷲鳥負弩繞文蛇丹府榮八命中園盛六珈肯  
隨胡質矯方惡馬融奢褒德符新換懷仁道迸避俗嫌  
龍節晚朝訝介圭賒禹貢輸苞匭周官賦秉秬雄風吞  
七澤異產控三巴即事觀農稼因時展物華秋原被蘭  
葉春渚漲桃花令肅軍無擾程懸市禁貫不應虞竭澤  
寧復歎棲苴蹠蹠駒先駕籠銅鼓報衙染毫東國素濡  
印錦溪砂貨積舟難泊人歸山倍畬吳歛工折柳楚舞  
舊傳巴隱几松為曲傾罇石作汙寒初榮橘柚夏首薦杜

把祀變荆巫禱風移魯婦髻已聞施愷悌還覩正竒衰  
慕友慙連璧言姻喜附葭沉埋全死地流落半生涯入  
郡腰恒折逢人手盡又敢辭親耻污惟恐長疵瘕善幻  
迷冰火齊諧笑柏塗東門牛屢飯中散蝨空爬逸戲看  
猿鬪殊音辨馬搗渚行狐作龔林宿鳥為殍同病憂能  
老新聲麗似姱豈知千仞墜祇為一毫差守道甘長絕  
明心欲自剗貯愁聽夜雨隔淚數殘葩裊族音常聒射  
羣喙競呀岸蘆翻毒蜃磳竹鬪狂靡野鷺行堪弋江魚

或共扞瘴氛恒積潤訛火亟生燬耳靜煩喧蟻魂驚怯  
怒蛙風枝散陳葉霜蔓縊寒瓜霧密前山桂冰枯曲沼  
遐思鄉比莊烏遯世遇眚夸漁舍茨荒草村橋卧古槎  
御寒衾用罽挹水勺仍柳窻蠹惟潛蝎甕涎競綴蝎引  
泉開故竇護藥插新筓樹怪花因榭蟲憐目待蝦驟歌  
喉易嗷饒醉鼻成戲曳捶牽羸馬垂簑牧艾豕已看能  
類鼈猶訝雉為鷄誰采中原菽徒巾下澤車俚兒供苦  
筍僮父饋酸櫨勸策扶危杖邀持當酒茶道流徵短褐

禪客會袈裟香飯春菰米珍蔬折五茹方期飲甘露更  
欲吸流霞屋鼠從穿穴林徂任攬拏春衫裁白紵朝帽  
掛烏紗屢嘆恢恢網頻搖肅肅且衰榮因萸英盈缺幾  
蝦蟇路識溝邊柳城聞隴上茄共思捐佩處千騎擁青  
駟

道州夏日郡內北橋新亭書懷贈何元二處士

呂溫

結構池梁上登臨日幾迴晴空正交密葉陰岸積蒼苔爽

氣中央滿濤風四面來振衣生羽翰高枕出塵埃齊物  
魚何樂忘機鳥不猜消閒炎晝靜選勝火雲開僻遠宜  
孱性優游賴廢材願為長泛梗莫作重然灰守道窮非  
過先時動是災寄言徐孺子賓榻且徘徊

岳州

杜牧

城高倚絕巖地勝足樓臺朔漠暖鴻去瀟湘春水來縈  
盈幾多思掩抑若為裁返照三聲角寒香一樹梅烏林  
芳草遠赤壁健帆開往事空遺恨東流豈不迴分符穎

川政弔屈洛陽才拂匣調朱柱磨鉛湛玉杯棊翻小窟  
勢壚潑凍醪醅此興余非薄何時日奉陪

虞帝廟

劉隲

詩人如不頌誰識太平心石老碑文古庭芳蟻穴深白  
雲生絕壑斑竹鎖疎林行客自南北青山無古今登遊  
尋勝蹟望望日西沉

宋

勘書

孫僅

儒家無外事招客勸青編筆墨東西置朱黃次第研頻  
憂傷點竄恒恐誤流傳改易文詞正增加字數全日因  
繁處倦心向注中專端坐窮今古披襟見聖賢疲勞時  
舉白遊息或談玄得興忘昏旭題名記歲年揮毫思確  
論廢卷恨亡篇魚魯皆判定誰人敢間然

縣齋春晝十二韻

寇準

縣幽無俗事公退只高吟江到荆門濶山連蜀國深峽  
雲長映日蠻雨易成霖羣鳥鳴春院饑猿叫夜岑庭荒



多古木地僻見波禽印鑠殘陽後人歸疊翠陰思鄉空  
索寞素分信浮沉樂靜稀塵累甘閒負壯心衰容嘗懶  
櫛病髮豈勝簪寡欲慵求友防邪每自箴澆風終恥合  
前事固難謀望斷天涯外離魂欲不禁

明

沔陽紀俗

李 濂

嶼郭瀟湘曲風流自昔稱家家住水閣日日下魚罾雲  
濕常垂雨湖寒未見冰風微鷗戲藻沙靜鷺銜菱翎羽

克王貢魚蝦入歲徵蓮舫秋競泛竹檻晚堪憑陸羽風  
如在靈均恨不勝漢唐兵未到吳楚勢相乘地僻逢迎  
少江清賞宴仍羔羊懷漢咏琴瑟對漁燈放枕初猶怯  
垂綸近亦能踈狂叨守牧高興益峻嶒

讀易山房贈李瑞塘

并序

高攀龍

歲己丑與公子之皞成進士同出儕宦趙師門  
而之皞甲之因知我公少以宏辭省舉第二人  
九上春官不第令於西鄉政平人和己丑三年

考最遽拂衣歸迺構山房讀易其中自號易山  
主人充然自得也慨彼熙攘沉酒迷途世短意  
長忘其故吾若茲高躅維式如玉景行之私情  
見乎詞

止足身方貴遺榮道所珍李公天下士未老卧江濱早  
歲看藏豹文場羨獲麟青雲高欲掇白雪調誰倫時  
論推匡鼎何知後郝詵此年埋繪藻百里屈經綸彭澤  
門惟柳菜蕪甑有塵訟庭啼鳥靜官舍落花春美政

方馴雉高情忽憶尊結茅當翠巘開戶遶青蘋楊子  
傳經與孫登易說新書聲清辟荔翰墨長松筠無意看  
車馬非關慕隱淪素心安伏枕聖世許垂綸已見芝蘭  
秀寧須龍躩伸幽人湖海吉靜者性情真一室全吾道  
三湘得此身逍遙叢桂裏好植百年春

癸亥咏雪

熊廷弼

報雪人胥慶拘幽我獨傷正眠驚入枕強起欲窺房東  
郭曳穿履袁安擁斷床冰黏髭易斷凍裂足先僵屋破

來虛白墻高礙混茫已成跬步隔大覺病眸妨掃去仍  
堆積旋來更簸揚但乘風舞舞如得意揚揚落坎直窮  
底摩空竟亂蒼高低渾不辨墨白漫無章世界從粧點  
皇穹自主張勞生徇物變觀化得天常剝復非人力服  
飡且自將楚騷空咽短鄒律正吹長不日消浮霰中  
天仰太陽

歲暮由桃源入滇

徐中行

桂水余初涉桃源即舊圖殘霞橫古渡落日滿平蕪

晉記遠今古秦人定有無臺荒青嶂合洞闕白雲孤羈  
宦天逾遠懷仙歲欲徂迷津不可問攬轡重躊躇

皇清

郢中方劍子留宿次韻贈荅

劉子壯

汎迹江聲外輕帆但信風偶隨芳草至適與白雲同  
別久鶯花改思窮山水通面憎驚乍識語苦魄相蒙  
命厭書生薄名成豎子雄古烟寒勝跡繁露勁香叢  
未試西施險難追黃石功歡情失酒味離怨寄詩筒

拈壁聊尋樂省身庶免攻天應悲俗悔道未許吾窮  
高嘯慰麟鳳殷憂念雁鴻報君愛出處聽雨曉犁中

三月六日祭告嶽廟禮成恭紀二十韻

吳士玉

景運離宮煥鴻圖壽嶽昌自天承火德拔地鎮炎荒  
在昔明禋盛維

今懿訓揚入朝分竹帛建節指衡湘兩月馳周道三宵  
宿玉堂精誠消霧雨袂濯薦馨香空碧明星燦仙園

寶炬光旛旆風晦靄磬管韻鏗鏘拜跪祈昭格班聯  
助裸將奉齋瓊作粒奠竿桂為漿辰牲皆碩加邊  
核盡芳崇階殿陟降祕殿肅趨蹌祝史陳詞切司儀  
視履詳心期渾合漢肝蠻况無方醉飽傳神惠寅清  
徹帝旁閭閻瞻瑞應氣候得時暘北斗璇璣貫南躔  
軫翼長紫宸資夾輔朱鳥誕嘉祥物阜蒸黎乂年登  
大化翔  
宸衷知有喜丕祚永無疆



丈量述事百韻

梁鳳翔

禹貢均田賦周官畫井疆誰云治小邑不可法前王  
利鈍非臣計顛危為衆傷狂瀾思砥柱保障識金湯  
繫此潯川境由來澤國鄉申羅相接壤翼軫竝分光  
省會經行近燕秦孔道長藩封編潞楚丹府載淤庄  
兵火疲租稅村墟耗稻梁逃亡遺地畝勢力起豪強  
胥蠹因中飽朋奸縱隱糧鹿堪當馬指李乃代桃僵  
歲賦如懸磬民艱甚剥牀瘡痍何日起軍國遞年妨

往者空持祿殊慚古拜颺蜚鴻經滿野糴穀盼陳倉  
莒葉空星留饜怨酒漿今子來綰綬畏濟欲褰裳  
弊久從何別時澆未易匡煩苛應悉去艱阻備宜嘗  
淵察殊難恃糾稽恐勿違俗情爭賈鬻風氣競倜儻  
案牘無旁貸催科祇自將月明三匝樹日昃九迴腸  
豈有經綸裕空令鬢髮蒼寧求勞敢憚綱舉目斯  
張體國先經野宜民率舊章披衷還欸欸告諭悉煌  
煌反覆申條約逡巡務激揚各宜清界址盡許報田

塲坵隴何陵谷園廬或野塘書名無亥豕編里著村  
坊迺下經途令爰施樹臬方維繩斯作直無欲必能  
剛遠近休相間區分儘各詳條疏比涇渭經畫辨參  
商錦繡湖山繞桑麻第宅昌星羅兼繡錯霞結與雲  
翔就地遊公正因材在丈量弓程搜故府冊式備奚  
囊履畝躬勤政親民分守常餼糧原自畏冗隸莫隨  
行豈羨文公雨寧誇召伯棠露晞鳥影斷塵靜馬蹄  
忙止渴貪流水憇陰爰植楊依村尋爨火問渡濟葦

航厥賦班高下全書務頡頏度支隨井私邊界隔池  
隍鴈齒編居業魚鱗視曲防版圖歸總數步尺定毫  
芒濯髮驚疎雨揮鞭返夕陽野田除耗鼠籬落守馴  
羊始以巡長畝重經涉遠岡晴明開嶺岫清淺映滄  
浪絕壑疑尋島窮源似渡湘人家逐鷄犬隴陌事農  
桑夜雨芙蓉岸秋風薜荔牆郊原殊井井編戶共彰  
彰垂景初餐飯凌晨強敵霜有時看暑雀幾處聽  
寒螢去帽當風落歸衣帶月涼人猶煩蹀躞馬不辨

驪黃苦自安茶蓄甘誰割蜜房三年間痼瘵中夜幾  
徬徨心疾真如蝟形勞渾若魴不知今乍醒翻覺舊  
如狂樂利從民物公忠滌筐筐觀成念始遂經遠事  
難忘惟正刊規則分疆樹紀綱科條異輕重盈縮具  
低昂創業憑臚列先疇給散亡申疆頒正式丁地核  
相當比戶知成數窮簷愜所望共歡明指掌莫式巧  
如簧革弊除飛洒安殘禁陸梁蓬生麻自直薰藉露  
多讓辨界占茅土明農絕莠稂問閭盡地力屋漏見

天閭升斗蠲前累徵輸盡合償犁然開混沌宛矣破  
洪荒罄洗無疇稞同歌有歲穰以茲登會計從此獲  
嘉祥鈞石陳中府泉刀納左藏光風彌宇合和氣結  
膠庠國法惟平一家居永保康恭逢堯舜世恩湛馬  
班香汲井愁為綆當車媿作螳劍鳴秋水白紵佩  
蘭芳素羨耕耘業兼知稼穡臧邠岐寧婦子祖社祝  
倉箱減賦曾稱宋巡郊每善唐喘牛詢物候荷笠載  
農裝杼軸呼田畔繪茶錫道旁陳書蠲器稅擊壤慶時

曷勸相勤清問凶災塵悚惶黔黎咸衽席稱兕上公  
堂燮理推元輔條陳拜夕郎雨風調玉燭日月麗符  
璋矩矱遵台憲恩膏霈

廟廊小臣無可願長此頌明良

大衍虛其一

鄭可格

河圖開大衍虛一見精微著設藏神妙卦分任指揮  
渾淪象太極沖漠識真機造化紐樞寓乾坤品彙歸  
陰陽呈變合動靜慎幾希無用為大先天天弗違

七言排律

唐

清明二首

杜甫

朝來新火起新煙湖色春光淨客船  
繡羽御花他自得紅顏騎竹我無緣  
蠻童結束還難有楚女腰肢亦可憐  
不見定王城舊處長懷賈傅井依然  
虛霑焦舉為寒食實藉嚴君賣卜錢  
鐘鼎山林各天性濁醪麤飯任吾年

又



此身飄泊苦西東，右臂偏枯半耳聾。  
寂寂繫舟雙下淚，悠悠伏枕左書空。  
十年蹴踔將雛遠，萬里鞦韆習俗同。  
旅鴈上雲歸紫塞，家人鑽火用青楓。  
秦城樓閣煙花裏，漢主山河錦繡中。  
風水春來洞庭濶，白蘋愁殺白頭翁。

明

贈秦婁江赴楚憲僉二十韻

何遷

楚甸孤煙覆漢旌，涓高千騎擁仙卿。  
沙邊龍角三湘渺，日下雕戈七澤橫。  
司馬崖亭長墮淚，范公祠廟故含情。

花繁澁澁分秋色雨過潛沱報晚晴但使風流開列國  
不妨禮樂閉專城章臺節迥終羊祜夏口才危失禰衡  
露冕褰帷看傲儻洞庭雲夢喜逢迎沅谿瘴淨朱旂繞  
嶽麓霜飛綉憶行馬援江南非盛業寇恂河內本朝英  
文章早歲馳東斗諫諍當今重洛京氣掩權璫回堊曜  
名高誠謹出承明十年扈蹕燕宮壯一夕投荒浙水清  
誰遣賈生身獨遠詎知宓子教還成天臺踪跡疑逃越  
粟里行藏更適荆經筵竭來秦博士褒衣仍坐魯諸生

陸離我抱依劉嘆感激君懸惠夢評只擬荒唐紉秀蒞  
敢期華屋攬青萍紫金閣靜春呼酒白兆臨空夜聽鶯  
邂逅正憐移席暮踉蹌何意別筵輕鷓班鳳翥他時事  
極目巖廊望傅霖

皇清

憶劉杜三適覽江閣雪中作次韻 胡承諾

別後思君路正漫鴻飛那得寄平安春光極目臨前  
浦芳樹經星對曲欄湖外蔚文藏霧豹谷中清嘯响

雲鸞赤沙疊浪生  
頽照蒼隼長風翼  
峻灘把袖差肩  
齊闈苑巢林飲澗  
限層瀾忽傳詠雪  
江樓作直似披  
烟兔圓看宋玉高  
歌空楚蒞謝連妙  
思儷汀蘭和雍  
雅製元臯唳狂憤  
囂聲莫謾謹范蠡  
良金形焯焯班  
姬素月影團團山  
增弱質千尋挺壑  
掩松根百丈槃  
薜荔吹香湘岸隱  
楓杉滴露曙星闌  
秋橙始摘兼霜  
剖冬笋常鮮負凌  
餐遜士墻陰諸嶺  
秀詞人宅畔巨  
淵寒蠻箋膩繭銀  
釣灑淮畝吳謳象  
板攢蘋芷葉搖

西塞艇鷓鴣啼裏富春竿鄴城燕好銜恩香縉石羈  
孤辨命難象罔求珠偏易獲騎馱厯塊古多盤雕鏤  
巧拙由工奏瓦甌圓方任土搏夙諗岱峯能沛雨休  
猜楚老恨彈冠須臾六袞知彌劬夢寐三年可并觀  
杜若佳期無那遠蓬萊金醴更嫌酸襍衾旅次連禾  
稽稅駕荒郊坐馬鞍指景停驂仍勸僕浮舟舞棹却  
迴湍衰齡此事都拋盡屬向竒篇買一歡

赤壁懷古

余國樞

臨臯古岸好尋幽蘇子從前兩度遊浪皺縠紋風有  
迹天懸寶鏡月當頭龍吟吹徹三更笛仙侶招攜一  
葉舟豈必嘉魚徵往蹟但憑赤壁話奇謀孫曹百戰  
圖分鼎瑜亮同時展運籌漫道火攻原下策儘教霸  
業分東流賦詩橫槩人何在把酒臨江韻待酬老鶴  
巖間還驚露孤鴻沙際尚鳴秋雄才蓋世烟塵盡遷  
客遺文石碣留落落亭臺殘照隱蕭蕭蘆荻雨聲愁  
銷兵已值光天會破敵寧須故壘求禾黍近郊收牧

馬旌旗遠戍舞前騶帆迴碧浦誰家客檐颭青帘幾  
處洲夏口舊傳紅子國武昌長憶庾公樓漁歌欸乃  
渾無繫嵐影微茫並若浮適意風波偏愛鷺忘機天  
地任盟鷗江南江北勞相望人去人來苦未休千尺  
怒濤翻舊恨九章哀郢著離憂也知白雪能張楚更  
把清樽學醉侯沅沚澧蘭隨地有搜竒何必定黃州

湖廣通志卷八十六